

Suhcunh:

Ranz Gaeuq Comzyo Gojgeq Lizsij

苏村：古建筑蕴藏着历史典故

□ Ciengj Ginz

Aenmbanj caen ndeyawj.

Youq Suhcunh gvaengh dieg 2 bingzfueng goengleix neix ndawde, benq ranz gaeuq de gvangq hung gyaunde, doxgaiq dajcang, doxgaiq dinfwngz soqliengh lai raeuh caemhcai q fouqgviq baizciengz, daiq miz vwnzva lizsij gyaenanz caeuq gojgaeq cienzeiz ndeidingq, rom-comz vwnzva lai cungj lai yiengh, daiq miz sui jbingz yisuz sang dangqmaz, engq ngamj yawjngonz caeuq mumaeq.

Suhcunh dieg youq Sizdangz Cin Lingzsanh Yen Ginhcuh Si, liz Hawsizdangz miz 2 goengleix gya, ndaw gyaiq guenj 14 aen cunhminz siujcuj gungh 3578 vunz. Ndaw cunh seizneix miz gij ranz gaeuq Ciuhmingz Ciuhcingh guh lumj funggek Lingjnanz haenx 32 benq, faenbied dwg gij ranzcoj singq Suh, Dingh, Liuz, Cwnz, Yangz, Luz, Cangh daengj gyokygyog, miz gij yiengh yinzvwnz funghmau dangdieg yienhsag.

Riuznaeuz, aen cunh neix youq 460 bi gaxgonq, gyokygyog singq Suh sien daeuj gizneix dinghyouq, ndigah heuhguh Suhcunh. Gizneix dwg ranzmbanj boux mehmbwk maenh'ak Suh Samniengz. Suh Samniengz nyuenz singq Yangz, dwg boux lwgmbwk banh biengz sajbajheiq ndeu, dwknaqbiu naqnaq nyingz dawz, caeuq Suh Sanh baenzgya le, saekseiz caemh riengz Suh Sanh okbae hoenxcienq, de mbeilaux coengmingz, maenh'ak vifung. Gvan de Suh Sanh dwg bouxdaeuz Lingzsanh Denhdivei ndawde boux ndeu, de heuhcomz le aendoih nungzminz gijyi hung youh ak ndeu, cienmonz caeuq cwngfuj Ciuhcingh doiqdingj, hemq "bok bouxfouq bang

bouxgunz, gaj bouxhak cuengq vunzfamh" bae hoenxcienq, ndigah ndaej daengz gyoengq vunzlai gungzhoj haeuicoengh. Gvaqlaeng Suh Sanh youq ciengz hoenxcienq ndeu deng vunz gai deng naq nyingz dai. Doeclaeng, Suh Samniengz daiq aendoih gyahaeuj Daibingzdenhgoz, youq baez nungzminz gijyi gwnz lizsij ciengz hung neix louz roengz yiebbuengj ronghlwenq ndeu. Daengz seizneix, gij gojgaeq de lij riuzcienz mbouj gat.

Suhcunh gyauej mbanj miz aen Huzlungzvaq ndeu, benq ranz gaeuq gaeuqgeq youhcai q gag miz daegsaek ndeu couh daengj baiz youq henz huz, ciemq dieg 8000 lai bingz-fuengmij, caet aen laeuzrwzhu rinhoiraiz cienrog, vaxdungzswj daepgaq gyoebbaenz. Ranz gaeuq dingzlai aen rinhoiraiz guh caizliuh dajcaep nem dajcang, cang ndaej gyaunde dangqmaz, miz rindeu, faexdeu, meng'va, gienghnaez baenjguh nem dozveh lai saek daengj, gij doxgaiq yisuz neix fapdeu sugsed, dinfwngz saeqnaeh,, dwg doxgaiq yisuz dijbauj. Benq ranz gaeuq cienheu vaxndaem doxingj, gokyiemh fungh mbin doxhen, rindeu gwnz ciengz cix dwg Suhcunh gag miz. Yiemhranz deu-gaek miz limq va'mbu, ndaw ranz miz rindeu, maxrin, daemzbyagim daengj dijbauj dangqmaz, yiengh-yiengh lumj caen, sengdoengh lumj lix. Benq ranz gaeuq neix dwg ranzcoj singq Liuz, Ciuhcingh co-nduj couh caep guh, daengz seizneix gaenq miz 400 lai bi lizsij, ranzdafuh, ranzshwma, ranzcouzyinj, ranzwyinj, Yinheijdangz 5 benq ranz, gag baenz honghdauq caiqlij yiemhranz gungj-ndiengq doxcieq. Baihrog ciengz

cawz gyaek daih'it dwg ngauhsan soemmbat le, gizyawz gak gyaek cungj dwg ngauhsansoem dox-guenaem song ngauh doxdoi q miz 4 mij lai sang haenx, dingj ngauh daengisoem, song mbiengj gozgung nod roengz daengz byairieng loq ndiengq, yiengh lumj aenmauh boux hakfaenz Sung, Mingz song ciuh nei, comz saedyungh, sinjmeij, daiqei q daengj goengnaengz youq giz ndeu. Ndaw ranz rog ranz, mboujlwnh dwg gij rindeu rinhoiraiz, faexdeu baenz ndaek haenx, nem gij doxgaiq dajcang meng'va, gienghnaez baenj-guh haenx, roxnaeuz dwg gij veh lai saek gwnz ciengz bingzmienh haenx, yisuz sui jbingz cungj sang dangqmaz, ndaej lied haeu gih raeuz buek daih'it aenmbanj cienz-doengj mingzloeg bae.

Suhcunh mboujdan dwg vwnzva lizsij louzce, de vaizlij lae miz gij lwed hongreihnaz vwnzmingz daj ciuhgeq daengz seizneix haenx. Bin hwnj Byacunghsiu ngaem yawj aenmbanj, caenhraen bya hop raemx heux, doenghnaz doenghreih, heu-swdswd homfwfwt, ndaw mbanj hoenzfeiz ok heuq mbinyegyeg; najmbanj cien moux naz baenz benq, cien moux reih oij doxlien; raeb-laeng aenmbanj ndoibo hwnjroengz lien mbwn, cien moux maklaehcei lumj aenliengj baizlele. Miz vunz youq ndaw reihnaz gaenxmaenx guhhong, miz vunz youq ndaw mbanj nyaengq haeuq nyaengq ok, vunzlaux comz naengh youq bakdou ranz gangjgoj, lwgnyez saetsaet diuqdiuq guh'angq dem nauhyied, fuk doz bya raemx naz mbanj yiengh gingj gyaunde ndeu ingj haeuq lwgda vunzraeuz...



▲ Roen iq naj mbanj hek daeuj daengz.



▲ Mbanj gaeuq gok ndeu.



▲ Laj yiemhranz faexdeu va'mbu.



▲ Rindeu gwn saeu-ciengz goengfou laeg.



▲ Naihlaux angqvauvau lwnh goj mbanj gaeuq.



▲ Ngauhsan daegsaek gag miz.



▲ Lwgnyez sim'angq raeuh.